



Broj: 101-1785/23

Mostar, 25.5.2023. godine

Na osnovu člana 72. Statuta Univerziteta „Džemal Bijedić“ u Mostaru, Senat Univerziteta, na 147. sjednici održanoj 25.5.2023. godine, donio je

ODLUKU

o kriterijima i mjerilima za utvrđivanje redoslijeda za prijem kandidata za upis u prvu godinu prvog i drugog ciklusa studija na organizacionim jedinicama i univerzitetskim studijima Univerziteta "Džemal Bijedić" u Mostaru u akademskoj 2023/2024. godini

Član 1.

Ovom Odlukom utvrđuju se kriteriji i mjerila za bodovanje i upis kandidata u prvu godinu prvog i drugog ciklusa studija na organizacione jedinice i univerzitetske studije Univerziteta "Džemal Bijedić" u Mostaru, u akademskoj 2023/2024. godini.

Član 2.

(1) Organizacione jedinice/univerzitetski studiji upisuju planirani broj studenata, a prema kriterijima iz ove Odluke.

(2) Organizacione jedinice/univerzitetski studiji mogu odlučiti da kao način provjere znanja i sposobnosti kandidata za odgovarajući studij uvedu i polaganje prijemnog ispita.

Član 3.

(1) Rangiranje kandidata za upis na prvi ciklus studija vrši se na osnovu ukupnog broja bodova dobijenih prema sljedećim kriterijima:

- a) **OPĆI KRITERIJ** se odnosi na postignuti uspjeh u srednjoškolskom obrazovanju i iznosi najviše 35 bodova.
- b) **POSEBNI KRITERIJ** odnosi se na priznanje stečeno za uspjeh u toku školovanja ili na takmičenjima iz poznavanja naučnih (stručnih) disciplina ili po osnovu vrhunskih rezultata u sportu, a iznosi najviše 20 bodova.
- c) **POJEDINAČNI KRITERIJ** odnosi se na predmete značajne za odgovarajući studij ili prijemni ispit.
 - Pojedinačni kriterij po osnovu predmeta značajnih za odgovarajući studij a koji su utvrđeni odlukama visokoškolskih ustanova i navedeni su u članu 8. ove odluke, vrednuju se sa najviše 15 bodova,
 - Pojedinačni kriterij po osnovu prijemnog ispita na Fakultetu informacijskih tehnologija (obavezan samo za kandidate koji budu aplicirali za in-class način praćenja nastave), vrednuje se s najviše 35 bodova.

(2) Bodovanje po osnovu pojedinačnog kriterija može se vršiti samo po jednom osnovu.

Član 4.

Broj bodova po osnovu **općeg kriterija** utvrđuje se tako da se izračuna prosječna ocjena u toku srednjoškolskog obrazovanja (zaokružena na dvije decimale) i množi sa brojem 7.

Član 5.

Po osnovu **posebnog kriterija**, kandidati dobijaju sljedeći broj bodova za osvojeno jedno od prva tri mjesta na međunarodnim, državnim i kantonalnim takmičenjima u poznavanju naučnih (stručnih) disciplina od značaja za studij:

Međunarodno takmičenje

1. mjesto.....5 bodova
2. ili 3. mjesto.....4 boda

Državno takmičenje

1. mjesto.....3 boda
2. ili 3. mjesto.....2 boda

**Kantonalno (entitetsko) takmičenje**

1. mjesto.....2 boda
 2. ili 3. mjesto.....1 bod

FIT CODING CHALLENGE (za sve 4 kategorije) - Odnosi se na Fakultet informacijskih tehnologija

1. mjesto5 bodova
 2. mjesto4 boda
 3. mjesto3 boda

Učenik generacije5 bodova

Član 6.

Broj bodova po osnovu **pojedinačnog kriterija** utvrđuje se tako da se prosječna ocjena iz 2-4 predmeta značajnih za odgovarajući studij, utvrđeni ovom Odlukom, (zaokružena na dvije decimale) množi sa brojem 3.

Član 7.

(1) Pravo upisa na **diplomski studij (master, II ciklus)** imaju kandidati sa završenim odgovarajućim dodiplomskim studijem koji se vrednuje sa najmanje 180 (3+2) ECTS odnosno 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

(2) Kandidati iz stava (1) ovog člana za upis na diplomski studij, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

(3) Kandidati koji ispunjavaju uslove iz stava (1) ovog člana imaju pravo upisa na studijski program na drugom fakultetu/univerzitetskom studiju koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje Naučno-nastavno vijeće fakulteta/univerzitetskog studija, koji realizuju studijski program diplomskog studija.

(4) Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

Član 8.

Rangiranje kandidata na organizacionim jedinicama/univerzitetskim studijima vršit će se prema sljedećim kriterijima:

1. AGROMEDITERANSKI FAKULTET**1.1 Akademski dodiplomski studij (bachelor) / I ciklus studija**

Opći kriterij - postignuti uspjeh u srednjoškolskom obrazovanju.

Predmeti koji se boduju po **pojedinačnim kriterijima** su: **biologija i hemija**.

1.2 Akademski diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

2. EKONOMSKI FAKULTET**2.1 Akademski dodiplomski studij (bachelor) / I ciklus studija**

Opći kriterij - postignuti uspjeh u srednjoškolskom obrazovanju.

Predmeti koji se boduju po **pojedinačnim kriterijima** su: **matematika i bosanski/hrvatski/srpski jezik**.



2.2 Akademske diplomski studij (master)/ II ciklus

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

Pravo prijave na **diplomski studij (master 4+1 sve oblasti) / II ciklus studija Ekonomskog fakulteta** imaju kandidati koji su završili prvi ciklus studija ekonomskog i neekonomskog usmjerenja u trajanju od četiri godine sa ostvarenih 240 ECTS bodova. Za sve prijavljene kandidate održat će se prijemni ispit iz oblasti na koju apliciraju. Prijemni ispit je eliminatoran. Kandidati koji su završili prvi ciklus studija **neekonomskog usmjerenja** nakon položenog prijemnog ispita obavezni su polagati **preduslovni predmet - Menadžerska ekonomija**.

3. FAKULTET HUMANISTIČKIH NAUKA

3.1 Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

3.2 Akademske diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

4. FAKULTET INFORMACIJSKIH TEHNOLOGIJA

4.1 Akademske dodiplomski studij (bachelor) / I ciklus studija

Opći kriterij – postignuti uspjeh u srednjoškolskom obrazovanju – maksimalno 35 bodova.

Pojedinačni kriterij po osnovu prijemnog ispita (obavezan samo za kandidate koji budu aplicirali za in-class način praćenja nastave), vrednuje se s najviše 35 bodova.

Posebni kriteriji – osvojeno jedno od prva tri mjesta u sve četiri kategorije na takmičenju u programiranju FIT Coding Challenge, kako slijedi:

1. mjesto	5 bodova
2. mjesto	4 boda
3. mjesto	3 boda

Boduju se takmičenja iz informatike, matematike, fizike, tehničkih nauka.

4.2 Akademske diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

5. GRAĐEVINSKI FAKULTET

5.1 Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Predmeti koji se boduju po **pojedinačnim kriterijima** su: **matematika i fizika**.

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih disciplina.

5.2. Akademske diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.



Pravo prijave na smjer Upravljanje okolišnom infrastrukturom imaju i svršeni studenti srodnih studijskih programa koji su završili prvi ciklus studija, uz polaganje jednog ili više diferencijalnih ispita i pod uslovima koje utvrđuje Naučno-nastavno vijeće.

6. MAŠINSKI FAKULTET

6.1 Akademički dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Predmeti koji se boduju po **pojedinačnim kriterijima** za sve studijske programe su: **matematika i fizika**.

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih disciplina.

6.2 Akademički diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7. NASTAVNIČKI FAKULTET

7.1.a BIOLOGIJA-HEMIJA - Akademički dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

7.1.b HEMIJA - Akademički diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7.1.c BIOLOGIJA - Akademički diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7.2.a PSIHOLOGIJA I SOCIOLOGIJA - Akademički dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Predmeti koji se boduju po **pojedinačnim kriterijima** su: **bosanski/hrvatski/srpski jezik, psihologija i sociologija**.

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih disciplina.

7.2.b PSIHOLOGIJA - Akademički diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7.2.c SOCIOLOGIJA - Akademički diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7.3.a PEDAGOGIJA - Akademički dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

**7.3.b PEDAGOGIJA - Akademske diplomski studij (master) / II ciklus studija**

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7.4.a RAZREDNA NASTAVA - Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

7.4.b RAZREDNA NASTAVA - Akademske diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7.5.a. SPORT I ZDRAVLJE - Akademske dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Pojedinačni kriterij - Pri upisu na I ciklus studija svi kandidati moraju prvo zadovoljiti na provjeri zdravstvenog stanja i znanja iz određenih sportova i utilitarnih vještina. Uspjehu na **prijemnom ispitu** znatno doprinosi uspjeh postignut u srednjoškolskom obrazovanju. Na provjeri motoričkih znanja i sposobnosti kandidati moraju postići određeni minimalan broj bodova tj. preći prijemni prag. Na taj se način pred buduće studente Odsjeka za sport i zdravlje postavljaju tri kriterija od kojih je svaki za sebe eliminacijski.

7.5.b SPORT I ZDRAVLJE - Akademske diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7.6.a PREDŠKOLSKI ODGOJ - Akademske dodiplomski studij (bachelor) / I ciklus studija -

Opći kriterij - postignuti uspjeh u srednjoškolskom obrazovanju.

7.6.b PREDŠKOLSKI ODGOJ - Akademske diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

7.7.a Stručni studij iz oblasti sporta (I ciklus studija)

Opći kriterij - postignuti uspjeh u srednjoškolskom obrazovanju.

7.7.b Stručni studij iz oblasti sporta (II ciklus studija)

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

8. PRAVNI FAKULTET**8.1. Akademske dodiplomski studij (bachelor) / I ciklus studija**

Opći kriterij - postignuti uspjeh u srednjoškolskom obrazovanju.

Predmeti koji se boduju po **pojedinačnim kriterijima** su: **bosanski/hrvatski/srpski jezik i historija.**

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

8.2. Akademske diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.



9. UNIVERZITETSKI STUDIJI

9.1.a POSLOVNA INFORMATIKA - Akademički dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Predmeti koji se boduju po **pojedinačnim kriterijima** su: **matematika i informatika**.

9.1.b POSLOVNA INFORMATIKA - Akademički diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

Pravo prijave na II ciklus studija imaju Bachelori Poslovne informatike sa minimalno ostvarenih 180 ECTS bodova. Svršeni studenti srodnih studijskih programa koji su završili I ciklus studija u trajanju od 3 godine sa ostvarenih 180 ECTS bodova također imaju pravo upisa na ovaj Studij uz obavezno polaganje preduslovnih predmeta po odluci Naučno-nastavnog vijeća studija.

9.2. ZDRAVSTVENA NJEGA - Akademički dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju

Napomena: Pored gore navedenih uslova, za upis u statusu vanrednog studenta potrebna je i potvrda o uposlenju u nekoj od zdravstvenih ustanova.

9.3.a DIZAJN INTERIJERA - Akademički dodiplomski studij (bachelor) / I ciklus studija -

Opći kriterij - postignuti uspjeh u srednjoškolskom obrazovanju.

9.3.b DIZAJN INTERIJERA - Akademički diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

Pravo prijave imaju kandidati sa završenim odgovarajućim dodiplomskim studijem koji se vrednuje najmanje 240 ECTS bodova, te kandidati sa završenim četverogodišnjim studijem po predbolonjskom sistemu studiranja (uz mogućnost priznavanja predmeta i ECTS bodova, u slučaju podudarnosti plana i programa, te oslobađanja polaganja ispita). Kandidati koji ispunjavaju uslove imaju pravo upisa na studijski program sa drugog fakulteta koji srodan dodiplomskog studiju Dizajn interijera, uz polaganje jednog ili više diferencijalnih ispita i pod uslovima koje utvrdi Naučno-nastavno vijeće studija.

9.4.a STUDIJ TURIZMA - Akademički dodiplomski studij (bachelor) / I ciklus studija

Opći kriterij - postignuti uspjeh u srednjoškolskom obrazovanju.

Predmeti koji se boduju po **pojedinačnim kriterijima** su: **bosanski/hrvatski/srpski jezik i jedan strani jezik**.

9.4.b STUDIJ TURIZMA - Akademički diplomski studij (master) / II ciklus studija

Rangiranje kandidata se vrši na osnovu prosječne ocjene koju su kandidati ostvarili u toku dodiplomskog studija, odnosno nakon završetka studija po predbolonjskim nastavnim planovima i programima.

Pravo prijave na II ciklus studija imaju Bachelori Studija turizma sa minimalno ostvarenih 180 ECTS bodova. Svršeni studenti srodnih studijskih programa koji su završili I ciklus studija u trajanju od 3 godine sa ostvarenih 180 ECTS bodova također imaju pravo upisa na ovaj Studij uz obavezno polaganje preduslovnih predmeta po odluci Naučno-nastavnog vijeća studija.

9.5 Integrisani Univerzitetski studij - FARMACIJA

Opći kriterij - postignuti uspjeh u srednjoškolskom obrazovanju.

Član 9.

(1) Postupak za provođenje ove Odluke provode komisije koje imenuju naučno-nastavna vijeća fakulteta/univerzitetskih studija.

(2) Komisija je dužna obezbijediti tajnost ispitnog materijala i druge dokumentacije do okončanja prijemnog ispita.



(3) Nakon provedene provjere, komisija je dužna utvrditi rang-listu kandidata i istu istaći na oglasnoj ploči i web stranici fakulteta/univerzitetskog studija, nakon što ih verifikuje Naučno-nastavno vijeće fakulteta/univerzitetskog studija.

(4) Na objavljenu rang listu kandidati mogu uložiti pismeni prigovor Naučno-nastavnom vijeću fakulteta /univerzitetskog studija u roku od 3 dana od dana objavljivanja liste. U slučaju da na objavljenu listu ne bude prigovora, ista se smatra konačnom. Ukoliko na objavljenu rang listu pristignu prigovori kandidata, naučno-nastavna vijeća utvrđuju konačnu listu, koju objavljuju na web-stranici i oglasnoj ploči narednog dana od dana usvajanja, sa naznakom rednog broja do kojeg su kandidati stekli pravo upisa.

Član 10.

(1) Studenti koji će se upisati u prvu godinu studija akademske 2023/2024. godine kao i studenti ostalih godina studija će plaćati troškove studija u skladu sa Odlukom Upravnog odbora Univerziteta koja će važiti za akademsku 2023/2024. godinu.

(2) Detaljne informacije o mjestu i vremenu predaje dokumenata za upis, kao i druge relevantne informacije, bit će objavljene na oglasnim pločama i web stranicama fakulteta /univerzitetskih studija.

PREDSJEDAVAJUĆA SENATA
UNIVERZITETA „DŽEMAL BIJEDIĆ“ U MOSTARU

Prof.dr. Alena Huseinbegović, rektorica

Dostaviti:

- Senatu
- Organizacionim jedinicama
- Voditeljima univerzitetskih studija
- Službi za pravne, kadrovske i opće poslove
- a/a